

SCRIPTA

Numéro Scripta : 4161

Auteur(s) : Louis IX, France (roi)

Bénéficiaire(s) : La Bonneville-sur-Iton, Notre-Dame de La Noë (abbaye)

Genre d'acte : charte

Authenticité : non suspect

Datation : 1247, juin

Lieu d'émission : Paris

Action juridique : autre

Langue du texte : latin

Analyse

Louis [IX], roi de France, donne à l'abbé et aux moines de La Noë 45 acres de terre sise dans ladite forêt pour réparer le dommage qu'ils ont subi dans la forêt royale d'Évreux.

Tableau de la tradition

Éditions principales

- a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 1177, p. 322.
- b. Delisle Léopold, Passy Louis, *Mémoires et notes de M. Auguste Le Prévost pour servir à l'histoire du département de l'Eure*, Évreux, Hérissey, 1862, t. 1, p. 196.

Texte établi d'après a

Ludovicus, Dei gratia, Francorum rex. Notum facimus universis, presentibus pariter et futuris, quod nos viris religiosiis abbati et conventui de Noa, Cisterciensis ordinis, pro restauratione dampnorum que sustinebant pro terris traditis ad culturam in foresta nostra Ebroicensi dedimus et concessimus in perpetuum quadraginta quinque acras terre, sitas in dicta foresta Ebroicensi, juxta heremitagium Beate Marie de Gaudio, pacifice et libere possidendas, de quibus dicti abbas et conventus se tenent pro pagatis, secundum quod in ipsorum, quam nobis tradiderunt, plenius continetur carta, cujus tenor talis est :

Universis presentem paginam inspecturis, frater G., abbas de Noa, totusque ejusdem loci conventus humilis, salutem in Domino. Noveritis quod nos, de communi assensu, tenemus nos pro pagatis de quadraginta quinque acris terre, quas habemus de dono domini Ludovici, Dei gratia, regis Francorum, pro recompensatione dampnorum que sustinebamus occasione terrarum ad culturam traditarum in foresta Ebroicensi, sitis juxta heremitagium Beate Marie de Gaudio ; nec in dictis terris de cetero aliquid reclamabimus, exceptis pasturis animalium nostrorum, quas habebimus in terris illis, quando non fuerint seminate. In cujus rei testimonium, sigillum nostrum presentibus litteris apposuimus. Actum anno Gratie millesimo CC° quadragesimo sexto, mense martio.

Nos vero, ut hec nostra donatio et concessio, religiosiis dictis facta, rata futuris temporibus habeatur, presentem paginam sigilli nostri munimine fecimus roborari. Actum Parisius anno Domini millesimo CC° quadragesimo septimo, mense junio.